

萬 有 文 庫

第二集七百種

王 雲 五 主 編

讀 史 方 輿 紀 要

(三十四)

顧 祖 禹 輯 著

商 務 印 書 館 發 行

讀史方輿要紀

(三十四)

新編清冊

國學基本叢書

輿圖要覽目錄

卷一

輿地總圖

江南第二

山西第四

河南第六

京師第一

山東第三

陝西第五

浙江第七

卷二

江西第八

四川第十

廣東第十二

雲南第十四

湖廣第九

福建第十一

廣西第十三

貴州第十五

卷三

九邊總圖

遼東第一

讀史方輿紀要 目錄

讀史方輿紀要 目錄

薊州第二內三關附

大同第四

寧夏第六

山丹第八

松潘第十

麻陽圖

卷四

黃河圖說

漕運圖說

安南圖說

沙漠圖說

宣府第三

榆林第五

莊寧第七

洮河第九

建昌第十一

虔鎮圖

海運圖說

朝鮮圖說

海夷圖說

輿地總圖

按天下大勢莫強於秦。陝西莫雄於楚。湖廣古今不易也。然而時勢所區各因乎會。有未可概論者焉。若言今日咽喉斷以三齊爲首。何者三齊之東固大海也。北足以闕京師。南足以履淮泗。又餉道所必經。上而德清。下及濟博。數百里之中皆足以出奇制勝。爲百世之功。秦楚雖云險會。要其禍患猶未若斯之甚也。若夫大梁一道。地稍平衍。雲中之域。又近朔漠。雖曰英雄崛起。未可類推。要以擅東南之財粟。用西北之甲兵。其所舉措必有洞中竅要者。而後可以濟。否則不足以厭觀望之心。而堅草澤之戴也。至於欲放四出之謀。當先根本之計。根本云者。非一域之疆。百里之島也。必足以奪敵之險。擣敵之虛。制敵之命。絕敵之資者也。是故關中旣定。乃下成臯。太原旣封。爰規龍首。長安山千百年中所見皆同。所由不異。大約循此必成。違此必敗。彼五嶺以南。匪我思存矣。是故出溢口可以震武昌。下當陽可以開巴峽。由宛鄧可以控潼關。固邳徐可以平青濟。而通燕涿。道濠壽可以靖梁衛。而連韓趙。經饒浙。可以運閩海。而清嶺粵。此皆指顧之間。鈎連之勢也。更有進於此者。余淺昧不足以知之矣。

管子曰。凡主兵者。必先審知地圖。轅轅之險。濫車之水。名山通谷。經川陵邱阜之所在。苴草林木蒲葦之所茂。道理之遠近。城郭之大小。名邑廢興。困殖之地。必盡知之。地形之出入相錯者。盡識之。然後可


以行軍襲邑舉錯知先後不失地利此地圖之常也

輿

地

總

圖





輿地東起朝鮮。西至嘉峪。南濱大海。北連沙漠。道路縈紆。各萬餘里。

南北直隸府二十二。州六。屬府州三十。縣二百二十二。承宣布政使司十三。屬府一百二十一。羈縻一十五。州一百六十四。羈縻四十七。縣九百三十。又羈縻九。總爲府二百五十八。州二百四十七。縣一千一百五十一。實計里六萬九千五百五十六。戶九百三十五萬二千零一十五。口五千八百五十五萬八千零。

夏秋二稅。共米麥二千六百零八萬五千九百一十六石。

京通二倉。臨德徐淮四倉。每年漕運米四百萬石。

南京各倉每年運米。

絹二十萬五千五百九十八疋。絲一萬七千零三斤。又三百一十六萬八千一十七兩。綿花二十四萬六千五百六十二斤。綿布一十三萬八百七十四匹。麻布二千七十七匹。洞蠻蓆布二百五十九條。苧六十五斤。

鈔八萬一千二十五錠零一百八十四貫。

馬草一千四百六十九萬五千九百九十一包。又一千一百一十六萬二千六百四十三斤。

都轉運鹽使司六。鹽課提舉司九。鹽課司一百六十九。

每歲辦鹽一百一十七萬六千五百二十五引。又鹽價并引價銀四萬六千一百五十八兩。

太倉庫歲額運銀一百四十九萬兩。內夏稅五十五萬五百餘兩。秋糧九十四萬四千八百餘兩。馬草

折銀二十三萬七千餘兩。鹽課折銀二十餘兩。雲南開辦三萬餘兩。

行太僕寺三。苑馬司二。監十八。苑七十七。馬驢騾共二十萬二千一百匹。

市舶提舉司三。茶馬提舉司三。河渠提舉司二。

兩京都督府分隸各都指揮使司十六。行都指揮使司五。中都留守司一。所屬衛共四百九十三。屬所
二千

五百九
十三 守禦千戶所三百一十五。儀衛司二十九。犧牲所二。

京營并在外衛所。中都、承天、各邊、馬步官軍共八十四萬五千八百餘員名。

兩京文武官吏歲支俸糧共該

各邊鎮應發年例并新增調集軍馬等項銀四百四十五萬兩有奇。

王府二十九。郡王三百五十四。鎮國輔國將軍中尉以下九千四百四十一。

郡主縣主郡君縣君鄉君以下共九千七百八十三。

每歲祿米八百五十三萬石。

以上係嘉靖三十年十月前數。

各長史司三十四。

三夷官宣尉司一十一。宣撫司一十一。安撫司二十二。招討司一。長官司一百六十九。

蠻夷長官司五。

四夷入貢各國。東北朝鮮等二。

東日本一。南安南古城等六。西南淳泥等四十九。西哈刺等四十六。西北哈密等七。

北朶顏韃靼等二。

京師第一

按京師地偏東北。迫近籓籬。自近代以來。言者亟亟然以肩背爲憂。故議大寧。議開平。更遠而議豐勝。嗚乎。孰知滅秦者非胡也。卽今日而論。吾姑置其西北而較其東南。則廣平河間之際。實首衝也。臨清天津至漁陽。皆海運通衢。而東安霸州武清以東。山澤曠野。萑葦彌望。在昔盛時。已爲逋逃淵藪。今未知其何如也。夫太宗至河西。而關中羣盜皆爲首功。然耶否耶。若夫真定居燕趙之郊。順德爲東西之會。兔園夫子。諒能悉知。吾言其切者近者而已。

京師古燕冀地。有府八。屬州一十七。縣一百一十五。又州二。屬縣一。總爲里三千二百有零。舊戶凡四十一萬八千七百八十九口。凡三百四十一萬三千一百五十四。夏秋二稅。共米麥六十萬一千一百五十二石。絹四萬五千一百三十五疋。綿花一十萬三千七百四十八斤。鈔九貫。馬草八百七十三萬七千二百八十四束。

長蘆鹽運司額辦大引折小引鹽一十八萬八百七引。鹽運司一。在滄州。領鹽課司廿四。青州十二。滄州十二。

親軍衛三十九。屬所二百五十二。守禦千戶所一。在京屬府衛三十八。屬所一。百三。守禦千戶所二。在外直隸衛三

十九。屬所一百 守禦千戶所九。大寧都司領衛十。屬所五 守禦千戶所一。
二十二。屬所一百 守禦千戶所九。大寧都司領衛十。屬所五 守禦千戶所一。

萬全都司領衛十五。屬所七 十六。守禦千戶所七。

京營見操并外衛馬步官軍共一十一萬七千三百餘員名。巡捕官軍五千六百餘員名。

薊州保定宣府三鎮馬步官軍共十萬五千八百餘員名。

大僕寺所屬順天等府寄養馬三萬四千八百餘匹。然羸縮有時。非常厥數。

南北直隸及山東河南二省種馬共十餘萬匹。各處苑馬寺行太僕寺不與焉。

總督遼薊都御史。一駐薊州。

巡撫都御史三。順天一。駐遵化。保定一。駐保定。宣府一。駐宣府。

巡按監察御史十。順天一。眞定一。隆慶一。提學一。印馬一。巡倉一。巡鹽一。刷卷一。京營一。山海一。順天巡按轄順天保定河間永平等府。眞定巡按轄

眞定順德廣平大名等府。

京師輿圖補註

一桑乾河亦名漯河。出山西大同府桑乾山。自渾源州流至保安州西南四十里。灌溉甚溥。與溫河合流。經太行山。入順天府西。南境名蘆溝河。俗呼小黃河。亦曰渾河。出蘆溝橋東。下南流至看州口。分二派。一流至通州高麗莊。入白河。一流經固安至武清。

小直沽與衛

河合流入海。

一漳沱出代郡泰戲山。自雁門而來。經靈壽境。過真定府城南趨晉州。過保定府東。東鹿縣南三十里。達深州。又東入河間府獻縣。南至清縣。而合衛河。由直沽入海。

一沙河出山西繁峙縣白坡頭口。經真定新樂治西南。由定州西入保定祁州。自州西南二十里東流。至博野縣。與黃河合而入易水。

一衛河出河南衛輝府。經大名府濬縣內黃河入故城縣。過景州三十里。及吳橋東光縣境。下至滄州。西流入青縣。又東北一百九十里入直沽而達海。又其水與淇漳滹沱等河合。亦名御河。

一澧河源出順德府南河縣之漳水。過任縣東十五里。入真定府隆平界。與沙河合。入葫蘆河。

一漳河有舊漳新漳二水。俱從魏縣西北流。至大名府。四入廣平府成安廣平肥鄉曲周四縣境。下流入洛河。

京

師

輿

圖